

Na osnovu člana 60. stav 1. i 62. stav 2., a u skladu sa članom 57., 59., 60. stav 3., 61. i 62. stav 1. Zakona plaćama i naknadama u organima vlasti Federacije BiH („Službene novine Federacije BiH“, br. 45/10, 111/12 i 20/17), člana 110 stav 1. Statuta općine Gornji Vakuf – Uskoplje («Sl. glasnik općine Gornji Vakuf – Uskoplje», br. 1/03 i 3/05) i člana 89. Poslovnika o radu Općinskog vijeća Gornji Vakuf – Uskoplje (« Sl. glasnik općine Gornji Vakuf – Uskoplje», br. 7/13) Općinsko vijeće Gornji Vakuf – Uskoplje na svojoj 10. redovnoj sjednici održanoj dana 15.02.2018. godine, donijelo je

ODLUKU

O izmjenama i dopunama Odluke o plaćama i naknadama izabranim zvaničnicima, državnim službenicima i namještenicima u općinskoj upravi Gornji Vakuf-Uskoplje

Član 1.

U Odluci o plaćama i naknadama izabranim zvaničnicima, državnim službenicima i namještenicima u općinskoj upravi Gornji Vakuf-Uskoplje («Službeni glasnik općine Gornji Vakuf-Uskoplje», br.4/11, 1/12 i 1/16) član 4. Odluke mijenja se i glasi:

“

Član 4.

(Način utvrđivanja osnovice za obračun plaće)

Osnovica za obračun plaća utvrđuje se odlukom Općinskog vijeća o izvršavanju budžeta za svaku budžetsku godinu ili odlukom o privremenom finansiranju i primjenjuje se od 01.01. za svaku narednu godinu.

Pored osnovice za obračun plaća prilikom obračuna plaće koristit će se i bod za obračun plaće koji se utvrđuje odlukom Općinskog vijeća o izvršavanju budžeta za svaku budžetsku godinu ili odlukom o privremenom finansiranju i primjenjuje se od 01.01. za svaku narednu godinu.

Utvrđivanje osnovice i bodova vrši se u pregovorima sa reprezentativnim sindikatom, a prije usvajanja odluke iz stava 1. ovoga člana.

Ukoliko se ne postigne dogovor Općinsko vijeće će utvrditi osnovicu i bod, pri čemu visina osnovice ne može biti niža od prethodno dogovorene, odnosno važeće.

Prilikom utvrđivanja osnovice i boda za obračun plaće iz st. (1) i (2) ovog člana uzet će se u obzir projekcije budžeta za narednu godinu, kao i kretanja GDP i indeksa potrošačkih cijena, a prema podacima Federalnog zavoda za statistiku.

”

Član 2.

U Članu 5.Odluke stav 1. mijenja se i glasi:

„Osnovna plaća utvrđuje se množenjem osnovice za plaću iz člana 4. ove Odluke i boda za obračun plaće sa utvrđenim koeficijentom platnog razreda i tako utvrđeni iznos uvećava se za 0,5% za svaku započetu godinu penzijskog staža izabranih dužnosnika, državnih službenika i namještenika Općine, a najviše do 20%.“

U stavu 3. istog člana, iza riječi „utvrđene osnovice“, dodaje se zarez i riječi „boda za obračun plaće“.

Član 3.

Ova Odluka stupa na snagu narednog dana od dana objavljivanja u "Službenom glasniku općine Gornji Vakuf-Uskoplje" a primjenjivat će se od 01.01.2018.godine.

Broj; 01-14-___/18
Gornji Vakuf-Uskoplje,
15.02.2018.godine

Predsjednik
Općinskog vijeća
Goran Batinić, mag.nov.